

## **წამებად წმიდისა და ნეტარისა მოწამისა ქრისტესისა ჰაბომსი რომელი იწამა ქართლს შინა, ქალაქსა ტფილისს, ჯელითა სარკინოზთადათა, გამოთქმული იოვანე, ძისა საბანისი. ბრძანებითა ქრისტეს მიერ სამოელ ქართლსა კათალიკოზისადათა**

მე, სამოელ, ქრისტეს მიერ ქართლისა კათალიკოზი, უფალსა იოვანეს საბანის-ძესა, სულიერად შვილსა წმიდისა კათოლიკე ეკლესიისა და საყუარელსა ჩუენსა, ლოცვით უფლისა მიერ მოგიკითხავ; მშჯდობა იყავნ შენ ზედა და ყოველთა სახლისა შენისა კრებულთა ქრისტეს მიერ!

ჩუენ თვთ უწყით წადიერებად შენი ღმერთის-მსახურებისათვს და ღმრთივ-მიმადლებული შენი მეცნიერებად საღმრთოთა წიგნთადა და გულს-მოდგინებად შენი კეთილთა საქმეთა მოღუაწებისათვს. შენ თვთ უწყი სანატრელისა ამის ახლისა მოწამისა ჰაბომსი, რომელი დღეთა ამათ ჩუენთა იმარტულა მეოხად ქრისტეს მიმართ ჩუენდა და ყოვლისა ამის სოფლისა ჩუენისა ქართლისათვს.

მნებავს, რადთა დაიწეროს სანატრელისა ამისცა მარტვლობად, ვითარცა პირველთა მათ ქრისტეს მოწამეთადა, და დაიდვას იგიცა წმიდასა კათოლიკე ეკლესიასა შინა მოსაჯსენებელად ყოველთა, ვინ იყვნენ შემდგომად ჩუენსა. ამისთვცა მოვავლინე წიგნი ესე ჩემი ჯელითა ხსართან მღდელისა ჩემისადათა.

აწ მიიღე წიგნი ესე ჩემი და ლოცვად ჩემი და ჯუარისა დაწერად ჯელითა ჩემითა და შეწევნითა ღმრთისა მამისა და ძისა და სულისა წმიდისადათა, მეოხებითა წმიდისა ღმრთისმშობელისადათა და წმიდათა მოციქულთადათა და მოწამეთადათა ჯელ-ყავ გამოთქუმად სრულიად ჭემმარტად, ვითარ-იგი იყო და ვითარცა შენ თვთ უწყი, და აღწერე მარტვლობად წმიდისა მოწამისა ჰაბომსი და აღწერილი ჩუენ მოგვძლუანე, რადთა უმეტესად ლოცვა ვყოთ შენთვს. მაღლი უფლისა იყავნ შენ ზედა. ამწნ!

### **პასუხი წიგნისადა იოვანეს მიერ**

მარადის საწადელი და თაყუანის-საცემელი ბრძანებად ღმრთივპატიოსნისა მამფლისა და უფლისა ჩემისადა მოვიღე ჯელითა სიწმიდის მოყუარისა ხსართა მღდელისადათა, რომლისათვსცა აღპრობითა ჯელთა ჩემთადათა მაღლი შეწირა უღირსებამან ჩემმან ყოვლად-ძლიერისა და ქველის მოქმედისა ქრისტეს ღმრთისა ჩუენისა, რომელმან არა დავიწყებულ-ყო სიმდაბლწ ესე ჩემი ღმრთივ-შეწყნარებულთა წმიდათა ლოცვათა თქუენთა, რომელთაცა ესე ღირს ვიქმენ მე მიმთხუევად. და უფროდსლა ვაქებ და ვაკურთხევე მე მოწყალებასა ღმრთისასა, რომელმან დაჰწერგა გულსა მამფლისასა ესევითარისა ამისთვს ბრძანებადა, რომელი სარგებელ და ნაყოფ სულისა და სიქადულ და სიხარულ ჯორცთა მექმნების მე სუკუნოდ მიმართ და სოფელსაცა ამას.

აწ რად მოვავსენო უფლებასა თქუენსა? მძიმე არს ჩემდა ორკერძოვე; უკუეთუ ურჩ ვექმენე ბრძანებასა თქუენსა, წერილ არს: “შვილი ურჩი წარსაწყმედელსა მიეცესო”, და

თუ ვისწრაფო მორჩილებად, მისთვის იტყვს: “უდარჯისა შენსა ნუ გამოეძიებო და უძლიერჯისა შენსა ნუ განიკითხავო”. ამისთვის შიშმან და ზრუნვამან შემიპყრა მე და შეშფოთნა გონებად ჩემი და დავეცი და მოვაკლდი მეცნიერებისაგან. არამედ უმჯობესად შევრაცხე მორჩილ-ყოფად თავი ჩემი ბრძანებასა უფლისა ჩემისასა, რომლითა კუალად განვძლიერდი და აღვემართე ღმრთის სათნოთა წმიდითა ლოცვითა თქუენითა და მარადის ძღუნის მიმპყრობელისა ღმრთისა მარჯუენისა თქუენისა ჯუარისა წერიტა ჩემ უღირსსა ზედა და რამეთუ ვისწავეცა ბრძენთა-მთავრისა მის სოლომონის მიერ თქმული, ვითარმედ “ჰბამევედ ჯინჰველსა, მედგარო, და იქმენ მუშაკ მსგავს მისა”. ვითარცა იგი მან თვსსა უდიდჯისა მარცუალსა მას იფქლისასა შებმა-უყვის გულს-მოდგინედ, ვიდრემდის აღიღის და წარიღის საზრდელად თვსა.

მეცა გულს-მოდგინე ვიქმენ უძლიერჯისა ჩემსა აღებად და წადიარებად გულისა ჩემისა აღავსო უფალმან, და აღვწერე უღირსისაგან გონებისა ჩემისა შემოკრებული მარტჯლობად, ჰემმარიტი და უტყუელი, წმიდისა მოწამისა მადლითა და მეოხებითა ნეტარისა ჰაბოძისა და მოგიძღუანე უფალსა ჩემსა, რომლისათვს კუალად ვითხოვ ვედრებით: სათნო-ყავნ უფალმან გულსა თქუენსა და გულსა ყოვლისა ქრისტჯს მოყუარისა ერისა მორწმუნისასა, რომელნი აღმოიკითხვიდენ, რაეთა ზიარ ლოცვათა თქუენთა იქმნეს კუალად და მერმეცა უღირსებად ჩემი.

## **საკითხავნი წმიდისა ჰაბოძისნი, თავნი დ**

პირველი თავი: ღმრთის-მსახურთა და მარტჯლთ-მოყუარეთა კრებულისათვს თხრობად და მოძღურებად და ახლისა ამის მოწამისა ჰაბოძს ვსენებად.

მეორჯ თავი: ქართლად შემოსლვად და ნათლის-ღებად ნეტარისა ჰაბოძისი.

მესამჯ თავი: მარტჯლობად წმიდისა ჰაბოძისი.

მეოთხჯ თავი: ქებად სანატრელისა წმიდისა ჰაბოძისი.

პირველი თავი

## **ღმრთის-მსახურებისათვს შეკრებულთა მათ უწყებად და მარტჯლთ-მოყუარეთა მათ სწავლად და ახლისა ამის მოწამისა მოჯსენებად წმიდისა ჰაბოძისი**

საყუარელნო მამისანო და მეგობარნო და მონანო ქრისტჯს, მისა ღმრთისანო, და სამკჯდრებელნო სულისა წმიდისანო! გხედავ თქუენ, ვითარცა ღმრთივ-ცნობილთა და ღმრთისა მცნობელთა, ამისთვისცა გარქუ თქუენ მონად და მეგობრად ქრისტჯსა. მონად ამის გამო, რამეთუ “ჰატიოსნითა სისხლითა მისითა სყიდულ ხართ” თქუენ, ხოლო მეგობრად ამისთვის, რამეთუ მისნი შექმნულნი ვართ და დაბადებულნი და სიყუარულითა მისითა ნათელ გჯღებიეს.

აწ გლოცავ თქვენ ქრისტეს მიმართ სურვიელითა გულითა: მომიპყრენით საჩინონი ეგე სასმენელნი თქუენნი და უფროდსა საცნობელნი ეგე ყურნი გულისა და გონებისა თქუენისანი განჰმარტენით სმენად და მასპინძელ ექმნენით სიტყუათა ამათ ჩემთა, - რამეთუ ქრისტესთვის არიან და სანატრელთა მისთა მოწამეთათვის, - შეიწყნარეთ კარავსა გუამისა თქუენისასა და სავანს განუმზადეთ. რამეთუ უფალსა ჰნებავს დამკვდრებად ასოთა შინა თქუენთა, ვითარცა თქუა წმიდამან მოციქულმან პავლე, მოძღუარმან ეკლესიათამან, ვითარმედ “ტამარნი ხართ ღმრთისანი და სული წმიდად დამკვდრებულ არს თქუენ შორის”; და უფალი იტყვს წინადაწარმეტყუელისა მირ: “მე მოვიდე და დავიმკვდრო თქუენ შორის”, და წმიდასა შინა სახარებასა იტყვს, ვითარმედ “სასუფეველი ღმრთისად გულთა შინა თქუენთა არს”.

ამისთვის, საყუარელნო, ნუ გეწყინებინ სმენად სიტყუათა ამათ, რადთა არა ცუდად დავშურეთ: მე სიტყვთა და თქუენ სმენითა, - რადთა ერთობით მოგუცეს ჩუენ უფალმან სასყიდელი შრომათა ჩუენთა.

და არა თუ ხოლო ჩემდა მარტოდასა საძიებელ არს სმენად საწადელი ესე მარტულობად წმიდისა ამის მოწამისად, არამედ ყოველთადა ჯერ-არს თქუენდაცა დაკვრებად ჩემ თან, რომელნი ესე შემოკრებულსა ამას ჟამსა მეშვდესა დარსა ზედა ვდგათ, რომლისა ჟამისათვისცა უფალი იტყვს, ვითარმედ “მრავალნი სცთებოდნიან და მრავალთა აცთუნებდენ”; და მოციქული პავლე მისწერს ტიმოთესა, ვითარმედ “მოვალს ჟამი, ოდეს სიცოცხლისა ამის მოძღურებასა არა თავს-იდებდენ, არამედ გულის-თქუმისაებრ თვისისა თავით თვისით შეიკრებდენ მოძღურებასა ქავილითა ყურთადათა და ჭემმარიტებისაგან სასმენელნი გარე-მიიქცინენ და ზღაპრებსა მიექცენ”, რომელიცა ესე აწ ჟამსა ამას აღესრულების ჩუენ შორის.

რამეთუ რომელნი ესე ვართ ყურესა ამას ქუეყანისასა, სასტიკებისაგან და სივერაგისა, მანქანებითა მით საცთურებისადათა, ზედამდგომელთა ამათ ჩუენთა, მფლობელთა ამის ჟამისათა, ზაკულებითა მოძღურებისადათა, თვთ თავით თვისით შჯულის-დებისადათა, განდგომილთა ქრისტესგან, მრავალნი შეაცთუნეს და გარდადრიკნეს გზისაგან სიმართლისა და ჭემმარიტებასა ქრისტეს სახარებისასა შეეცოდნეს რომელნი ხუთასის წლისა ჟამთა და უწინარწსლა შჯულ-დებულ ყოფილ [არიან] წმიდითა მადლითა ნათლის-დებისადათა.

მიერთგან და ვიდრე აქამომდე ნაშობნი ქრისტეანეთანი გარდაგულარძნეს: რომელნიმე მძლავრებით, რომელნიმე შეტყუვილით, რომელნიმე სიყრმესა შინა უმეცრებით, რომელნიმე მზაკუვარებით. და სხუანი, რომელნი ესე ვართ მორწმუნენი, მძლავრებასა ქუეშე დამონებულ[ნი] და ნაკლულევანებითა და სიგლახაკითა შეკრულნი, ვითარცა რკინითა, ხარკსა ქუეშე მათსა გუემულნი და ქენჯნილნი, ძვრ-ძვრად ზღვეულნი, შიშითა განილევანი და ირყევანი, ვითარცა ლერწამნი ქართაგან ძლიერთა, არამედ ქრისტეს სიყუარულითა და შიშითა, ჩუეულებისაებრ მამულისა სღვისა, ჭირთა მოთმინებითა. არა განემორებინ მხოლოდ-შობილსა ძესა ღმრთისასა.

ესევეითარსა ჟამსა შინა გამოჩნდა ახოვნად წმიდად ესე მოწამე; არა თუ პირველითგანვე ჩუენგანი იყო, არამედ უმეცარი, სარწმუნოებისაგან ჩუენისა უცხო, უცხოთა შჯულითა მოვიდა და ქრისტესა, ღმერთსა ჩუენსა, შეემეცნა, რომლისათვისცა დღეს კულად ახალმან ამან დღესასწაულმან და კრებამან წმიდისა და ახლისა მოწამისამან გზგვოსან-ყო ეკლესიად, და ყოველი კრებული ქრისტეანეთად ერთბამად განანათლა, და ყოველინივე პირნი ღირს იქმნეს ამას დღესა გარდამეტებულისა მაღლისა შეწირვად ქრისტეს მიმართ, ჭეშმარიტისა ღმრთისა ჩუენისა.

რამეთუ მრჩობლ იქმნა დღესასწაული ესე ღმრთის-გამოცხადებისად და მაღლმან ღმრთისა მამისამან, გამოჩინებითა მით ჩუენდა საყუარელისა ძისა თვისსადათა და გარდამოსლვითა სულისა წმიდისა მისისადათა, სარწმუნოებითა შეთხზული იგი გზგვნი მარტვლთა თვისთად დაადგა თავსა ზედა ეკლესიასა, რომლისაგანცა სიმრავლე იგი დღესასწაულთად, ვითარცა გზგვნი, გარემოადგეს და ღმრთისმოყუარეთა მათ ჩვეულებად აქუს მარადის შემოკრებად მას შინა საღმრთოდასთვის დიდებისა.

რამეთუ ერთად შეკრებითა მით მათითა მრავალი ღმრთის-მსახურებად აჩუენიან, არა თუ ცუდთა განცხრომათა და ჭამადთა ნაყოვნებისა უძლებებად შორის მათსა იპოვის, არამედ ყლველთა წილ საჭმელთა გემოვანთა ძალი იგი საღმრთოთა სიტყუათა ტკბილადი გამოვალნ პირსა მათსა, რამეთუ სიტყუად იგი წინადაწარმეტყუელისადა ოხრინ შორის მათსა, ვითარმედ: “ტკბილ არიან სასასა ჩემსა სიტყუანი შენნი, უფალო, უფროდს თაფლისა პირსა ჩემსა”. რამეთუ შეკრებასა მას ჭამადთასა განძლებადცა აქუს, ხოლო ღმრთისა სიტყუათა მოკსენებასა არა არს განძლებად ღმრთის-მოყუარეთა სულთად.

და კულად: “წმიდათა მათ მარტვლთა ვსენებითა ვინმემცა განძლა მარტვლთ-მოყუარე?” და ერთგულებადცა აქუს უფლისა მიმართ, რამეთუ ეტყვს უფალი წმიდათა მისთა: “რომელმან თქუენ შეგიწყნარნეს, მე შემიწყნარა”; ამისთვის უფროდსლა გულს-მოდგინედ საღმრთოთა მათთვის არნ შეკრებად იგი მათ; მუნ შუვა წარმოიხუნიან სიტყუანი იგი ცხორებისანი, მუნ სამებისა წმიდისა იგი სარწმუნოებად აღორძნდებინ, მუნ სწავლანი იგი სიტკბოებისანი, მუნ მოძღურებანი იგი მაღლისანი, მამათ-მთავართა იგი შუენიერებად, წინადაწარმეტყუელთა იგი დიდებანი, მოციქულთა ქადაგებანი, მოწამეთა მათ მოღუაწებად, ქრისტესი იგი თავს-დებად, ჩუენთვის ვნებად.

რამეთუ სიმტკიცე და სიხარულ ექმნის ჭაბუკთა მოთხრობითა მით სიმჴნე იგი ქრისტეს-მოღუაწეთად და სიქადულ და მხიარულება მოხუცებულთა ვსენებად იგი ღუაწლისა მის მარტვლთადასად. და საწადელ და სასურველ მდდელთა და ყრმათა მათ მოწაფეთა და შვილთა ეკლესიისათა კრებად იგი დღესასწაულისა მის წმიდათადასად.

და ემსგავსნიან შორის ეკლესიასა ჴმანი იგი მათნი ანგელოზთა მათ გალობის შემსხმელთა და სული წმიდად იხარებნ შორის მათსა თავყუანის-ცემული, და მამად იდიდებინ და კაც-მოყუარებად იგი და ქველის-მოქმედებ ძისად იქადაგებინ. რამეთუ ყოვლისა მპყრობელმან ღმერთმან და დიდად უხუმან უფალმან, რომელმან არა უგულებელს-ყო ურვად კაცთად და სიყუარულისათვის კაცთადასა ქალწულისაგან წმიდისა

ჯორჯნი შეიმოსნა, წმიდითა მით ჯორჯითა მისითა სამოთხით გამოვრდომილსა მას კაცსა დაცემულსა ზეცად აღუწოდა და მოუწოდომელსა მას საიდუმლოსა ღირს-ყო, რომელ-იგი არა იყო, და დაადგრა, რომელ-იგი იყო, დიდებაჲ მაცხოვრისა ჩუენისაჲ, იესუ ქრისტესსა მას დამდაბლებასა ჩუენტჳს.

რამეთუ დამდაბლდა და მიჯსნა ჩუენ, აღმალდა ზეცად, ვინაჲცა გარდამოჳდა, და მიწისაგანი ესე კაცებაჲ თანა-აღიყვანა და მარჯუენით მამისა მჯდომარე არს, რომელი იგი საკვრველად განგებულებით შეიერთა ღმრთეებამან, რომელიცა-იგი ორითავე მით სახელითა, - ერთი ძჳ ღმერთად და კაცად, თჳნიერ განყოფისა, - იქადაგების, იგივე “სახელით ენმანუელ - ჩუენ თანა ღმერთი” და კაცი, “რაფთა, სახელისა მიმართ მისისა ყოველი მუჭლი მოდრკეს, ზეცისათანი და ქუეყანისათანი და ქუესკნელთანი, და ყოველმან ენამან აღუაროს” სახელსა მისსა.

რამეთუ საშინელ და წმიდა არს და ყოვლად ძლიერ და საკვრველ და უფალ და ყოვლისა-მჰყრობელ არს სახელი მისი; ვერ შემძლებელ ვართ ჩუენ მიწდომად სიმდიდრესა მას სახელისა მისისასა, არამედ უძლოურებისაებრ ჩემისა და გულს-მოდგინებისა თქუენისა ვიწყო თხრობად თქუენდა, საყუარელნო: კარ, გზა, ტარიგ, მწყემს, ლოდ, მარგალიტ, ყუავილ, ანგელოზ, კაც, ღმერთ, ნათელ, ქუეყანა, მარილ, მატლ, მარცუალ მდოგჳს, მზე სიმართლის, ძე მამის უკუდავის და ერთ ღმერთ გარდაუქვეველ და განუქარვებელ და უცვალებელ.

რამეთუ უქცეველ და განუქარვებელ არს შემდგომად ჯორჯთა შესხმისა და შეერთებისა ღმრთეებისა იგი ბუნებაჲ, რომლისათჳს, უკუეთუ შემძლებელ ვიქმნეთ, თითოეულის ამის სახელისათჳს, ჳემმარიტად უწყებად თქუენდა. გარნა მაღლითავე მისითა გაუწყო თქუენ, ქრისტეს-მოყუარეთა.

კარ ეწოდა, რამეთუ თქუა: “მე ვარ კარი ცხოვართაჲ”, რამეთუ ჳემმარიტად მორწმუნენი მისნი მის გამო, ვითარცა კარსა მას სასუფეველისასა შევალთ.

გზა ეწოდა, რამეთუ თქუა: “მე ვარ გზაჲ და ჳემმარიტებაჲ და ცხორებაჲ”, რამეთუ ზეცად აღმავალთა გუექმნების ჩუენ გზა.

ტარიგ ეწოდა, “რამეთუ ჩუენტჳს დაიკლა” და მარადის ცხოველ არს და ჯორჯთა და სისხლთა მისთა ჩუენდა განყოფითა ცხორებასა საუკუნესა მოგუანიჳებს.

მწყემს ეწოდა, რამეთუ თქუა: “მე ვარ მწყემსი კეთილი”, ჳემმარიტად ცხოვარნი შეცთომილნი მოგუაქცინა და მტერი იგი ჩუენი ლომი არგნითა ჯუარისაჲთა მოკლა და მისგან დაჳსნილი იგი გუამი პირველ-შექმნულისაჲ მის ძალითა ღმრთეებისაჲთა კუალად განაცოცხლა და ნაკბენი იგი გესლიანისა მის მგელისაჲ წყლულებითა თჳსითა განკურნა და გესლი იგი მომაკუდინებელი წამლითა მით ღმრთეებისა თჳსისაჲთა განაქარვა და აღასრულა სიტყუაჲ იგი, წინაჲსწარმეტყუელისა მიერ თქუმული, ვითარმედ: “იწყლა იგი, ცოდვათა ჩუენტათჳს და წყლულებითა მისითა ჩუენ განვიკურნენით”.

ლოდ საკიდურ ეწოდა წინადასწარმეტყუელისა მიერ, რამეთუ ესე არს, რომელი-იგი შეურაცხ და განგდებულ იქმნა მღდელთ-მომღუართა მათგან და მწიგნობართა ნათესავისა ჰურიათადას იერუსალჴმს, არამედ ესე თავ ყოველთა ცის-კიდეთა იქმნა.

მარგალიტ ეწოდა, რამეთუ იგი, ვითარცა მარგალიტი, შორის ორთა მათ ფიცართა, სულისა და ჯორცთადას, ღმრთეებით გამობრწყინდების, რომელსა ღმრთისმოყუარენი იგი ვაჭარნი სასუფეველისანი, ვითარცა ღმერთსა არა შიშუელსა და კაცსა არა ლიტონსა, არამედ ვითარცა ღმერთსა და კაცსა, სარწმუნოებით ეძიებენ და მოიყიდიან მხოლოსა მას მრავალ-სასყიდელსა ყოვლისა სოფლისა წარგებითა და სისხლთა თვსთაცა დათხევითა.

მარილ ეწოდა, რამეთუ ცოდვითა განრყუნილთა ამათ ჯორცთა ჩუენთა მოგუეახლა და სიმყრალჴ იგი კერპთ-მსახურებისად განგუამორა და სულნი ჩუენნი სარწმუნოებითა ღმრთის-მსახურებისადთა სულნელად შეზავნა.

ყუავილ ეწოდა, რამეთუ ძირისაგან იესჴსისა ყუავილად აღმოსცენდა ეკლესიასა წმიდისა ქალწულისა მარიამისგან ჯორციელად, ხოლო სულნელებითა მით ღმრთეებისადთა სული იგი მადლისად მოჴფინა ჩუენ ზედა.

ანგელოზ ეწოდა, რამეთუ ერქუმის მას წინადასწარმეტყუელისა მიერ “დიდისა ზრახვისა ანგელოზი, საკრველი”, რომელი მამისა მიერ ჩუენდა მჴსნელად მოვიდა.

კაც ეწოდა, რამეთუ თქუა წინადასწარმეტყუელმან: “კაცი არს და ვინ იცნას იგი”; ჴემმარიტად სრული კაცებად შეიმოსა, თვნიერ ცოდვისა, და ღმრთეებად თვისი ჩუენ გამოგვცხადა.

ღმერთ ეწოდა, ვითარცა თქუა ნეტარმან იოვანე მახარებელმან, ვითარმედ “ღმერთი იყო სიტყუად იგი და ყოველივე მის მიერ შეიქმნა, რაჲოდენი რაჲ იქმნა”.

ნათელ ეწოდა მის მიერვე, რამეთუ თქუა: “იყო ნათელი ჴემმარისი, რომელი განანათლებს ყოველსა კაცსა, მომავალსა სოფლად”.

ქუეყანა ეწოდა, ვითარცა თქუა დავით: “ქუეყანამან გამოსცა ნაყოფი თვისი, მაკურთხენინ ჩუენ ღმერთო, ღმერთო ჩუენო!” ჴემმარიტად ქუეყანისა დამბადებელი იგი ქუეყანად მოვიდა და ქუეყანით მიწისაგან შექმნულთა მათგან მიწისა ბუნებისა იგი ჯორცნი, ვითარცა შუენიერი ჯეჯლი, აღმოსცენდა ქუეყანით და ნაყოფად გამოიხუნა წმიდანი თვისნი მოციქულნი და მოწამენი და მართალნი და დაწყეული იგი ქუეყანად ნაყოფითა კურთხევისადთა აღავსო.

მარცულ მდოგვს ეწოდა, რამეთუ დაიკნინებს თავსა თვისსა და მოგუემსგავსების ჴასაკსა ჩუენსა, რაჲთა ურნატსა სულისა ჩუენისასა, დაენერგოს და ღრმად ძირნი დაიბნეს და რტოთა მათ ზედა ჯუარისა მისისათა შეგუკრიბნეს და აღამაღლდეს და ჩუენ აღგუამაღლნეს მის თანა.

მატლ ეწოდა, რამეთუ თქუა: “მატლ ვარ და არა კაცი”, გამობრწყინვებითა ღმრთეებისაჲთა, ვითარცა სამჭედური მატლსა შინა, ეგრეთ ჯორცთა შინა თვსთა დაფარა და ღმრთეებად იგი თვსი და უფსკრულთა ამის სოფლისათა შთააგდო და აღმოიქუა, ვითარცა კეთილმან მეთევზურმან, რომლისთვისცა იტყვს: “შეიპყრა ვეშაპი იგი სამჭედურითა და განულო დანდალი ყბასა მისსა და ხარტუკი ცხვრსა მისსა”, ესე იგი არს ეშმაკი, რომელი შეიპყრა, და შემუსრნა მანქანებანი მისნი, რომლისათვს წამებს მეფსალმუნს დაავით: “შენ შეჰმუსრე თავები ვეშაპისაჲ მის”.

მზე სიმართლის ეწოდა, რამეთუ თქუა წინაღწარმეტყუელმან: “და გამოგიბრწყინდეს თქუენ, მოშიშთა სახელისა მისისათა, მზე იგი სიმართლისაჲ, რომელსა აქუს კურნებად ქუემე ფრთეთა მისთა”; რამეთუ იგი არს, რომელი ჰფარავს და განატფობს და არარაჲ არს, რომელი დაეფაროს სიცხესა მისსა.

ხოლო ესე არათუ რაჲმე თვით თვსით განგიმარტე თქუენ, საყუარელნო და ქრისტეს-მოყუარენო და სწავლის-მოლუაწენო, არამედ წამებითა წიგნთაგან საწინაღწარმეტყუელოთა და მოციქულთა ქადაგებისაებრ, - წმიდათა სახაერებათა წერილნი და ნეტართა მამათა მოძღუართა მიერ განსაზღვრებული სარწმუნოებაჲ. რამეთუ უეჭუელი სარწმუნოებაჲ საუნჯე დიდ არს მორწმუნეთათვს, მამაო ზეცათაო, ღმერთო და უფალო ცხოვრების მომცემელო, შენ მიერ მიღებითა მადლისაჲთა, რამეთუ ქრისტეანეთა სარწმუნოებაჲ დიდ მოძღურება არს! ამით მადლითა თავყუანის-გცემენ შენ მართალნი, გაკურთხევენ შენ წმიდანი, აღგიარებენ შენ მარტულნი და შენთვს დევნულებად ღირს იქმნებიან, რომელმან ივნე ჩუენთვს ქრისტე ღმერთო, მოწამე არიან შენდა და შენ შეგევედრებიან, და ცთომასა მას ეშმაკისასა და მსახურთა მისთა მძლავრებასა შეურაცხ-ჰყოფენ!

რამეთუ არა ხოლო თუ ბრძენთა სარწმუნოებაჲ ესე ღმრთისა მიერი მოიპოვეს, არამედ ჩუენცა, შორიელთა ამათ მკვდრთა, ვითარცა წამებს უფალი და იტყვს: “მოვიდოდნიან აღმოსავალით და დასავალით და ინაჱ-იდგმიდენ წიაღთა აბრაჰამისთა, ისაკისათა და იაკობისთა”.

აჱა ესერა ქართლისაგა მკვდრთა აქუს სარწმუნოებაჲ და წოდებულ არს დედად წმიდათა, რომელთამე თვთ აჱა მკვდრთა და რომელთამე უცხოთა და სხვთ მოსრულთა ჩუენ შორის ჟამად-ჟამად, მოწამედ გამოჩინებითა ქრისტე იესუმს მიერ, უფლისა ჩუენისა, რომლისაჲ არს დიდებაჲ უკუნითი უკუნისამდე. ამჴნ.

მეორე თავი

## **ქართლად შემოსლვად და ნათლის-ღებად წმიდისა მოწამისა ჰაზოდსი**

რამეთუ იყო ჟამი, ოდეს ერის-მთავარი იგი ქართლისაჲ სახელით ნერსე, ძე ადარნესე კურაპალატისა და ერის-მთავარისაჲ, მიწოდებულ იქმნა ქუეყანად ბაბილოვნისა

მფლობელისა მისგან მის ჟამისა სარკინოზთადასა ამირა მუმნისა აბდილადსგან, რომელი იყო ქალაქსა მას დიდსა ბაღდადს, რომელიცა იგი მან აღაშწნა.

ხოლო შესმენითა ბოროტთა კაცთადათა საპყრობილესა შეაგდო მან ნერსე, ერისთავი ქუეყანისა ამის ქართლისაჲ, და პყრობილ იყო იგი მუნ ჟამადმდე სამისა წლისა, ვიდრემდის ბრძანებითა ღმრთისაჲდათა მოკუდა აბდილ[ა] ამირა მუმნი და დაჯდა მის წილ ძჳ მისი მაჰდი. ხოლო ქველის-მოქმედმან ღმერთმან არწმუნა გულსა მაჰდი ამირა მუმნისასა განტევებაჲ ნერსესი და გამოიყვანა იგი მწარისა მისგან საპყრობილისა და განუტევა იგი კუალად ერის-მთავრობით აქა, ქუეყანადვე თჳსა.

მნებავს აწ, ქრისტეს-მოყუარენო, ამიერითგან წმიდისა და სანატრელისა მოწამისა ამის ჰაბომსთჳს, რადათა გაუწყო, ვითარ ანუ რაბამ იყო, ანუ ვინაჲ მოიწია აქა.

ესე ნაშობი იყო აბრაჲმეანი, ძეთაგან ისმაელისთა, ტომისაგან სარკინოზთადასა, და არა თუ უცხოდასგან თესლისა, არცა ხარჭისაგან შობილი, არამედ ყოვლადვე არაბიელთა თესლი, მამულად და დედულად, რომლისაჲ მამაჲ მისი და დედაჲ მისი და ძმანი და დანი მისნი იყვნეს მუნვე ქალაქსა მას შინა ბაღდადს ბაბილოვნისასა. და ესე იყო ყრმა, ჭაბუკ, ვითარ ათრვამეტის წლის, გინა უკნინწს - აჩვდმეტის წლის. ამან ინება წარმოსლვაჲ თჳსი აქა ერის-მთავრისა მის ნერსეს თანა და შეეყო იგი მსახურად მისა. და იყო იგი ჰელოვან, კეთილად-შემზავებელ სულნელთა მათ საცხებელთა, და სწავლულ იყო მწიგნობრებითა სარკინოზთადათა, ძეთა ისმაელისთა, ძეთა აბრაჰამისთა, ნაშობთა აგარისთა.

ხოლო ამიერ ჩუენდა სოფლად გამოსლვაჲ იგი არა თუ თვით თავით თჳსით განიზრახა, არამედ ვითარცა იგი უფალმან ჰრქუა ნეტარსა მას აბრაჰამს მასვე ქუეყანასა შინა ქალდეველთასა, ვითარმედ “გამოვედ ქუეყანისაგან შენისა და ნათესავისაგან შენისა და სახლისაგან მამისა შენისა და მოვედ ქუეყანასა მას, რომელი მე გიჩუენო შენ”; ეგრეთვე ესე კუალად ნაშობი აბრაჰამისი არა თუ თჳსით გონებით, არამედ წამის-ყოფითა ღმრთისა მიერთითა იწჳა ესეცა და დაუტევა მამა და დედა და ძმანი და ნათესავნი და მონაგებნი და აგარაკები, და, ვითარცა იგი უფალი იტყჳს წმიდასა სახარებასა შინა, წარმოვიდა აქა ნერსეს თანა მგზავრ ქრისტეს სიყუარულისათჳს.

და რაჟამს მოვიდა იგი ქართლდ, ცხომდებოდა იგი ნერსე ერისთვისა თანა და თჳსითა სათნოებითა იქმნა იგი საყუარელ ყოვლისა ერისა და შესძინა სწავლად ქართულისა მწიგნობრებისა და ზრახვისა ჳსნილად. მაშინ იწყო ზედა-მიწვენად და სწავლად წმიდათა საღმრთოთა წიგნთა ძუელისა და ახლისა შჯულისათა, რომეთუ უფალი მეცნიერ-ჰყოფდა მას. და მოვიდის იგი წმიდად ეკლესიად და მარადის ისმენ წმიდათა სახარებათაგან და საკითხავთა მათ საწინაღმარმეტყუელოთა და მოციქულთა და მრავალთაგან შჯულის-მეცნიერთა იკითხავნ და ისწავებნ. ხოლო რომელთამე რეცა-თუ ცილობით წინააღუდგებიან, არამედ მიზეზ სწავლისა ექმნებინ მას, და ესრეთ სრულ იქმნა იგი ყოვლითა მოძღურებითა, რომელი აქუს წმიდასა კათოლიკე ეკლესიასა ქრისტეს მერ.



მაშინ უდებ-ყო შჯული იგი მაჰმედისი და წესი იგი მამულისა მის ლოცვისად დაუტევა და შეიყუარა ქრისტე ყოვლითა გულითა და გამოირჩია იგი სიტყვითა ამით, ვითარმედ “მითხრეს მე უშჯულოთა ზრახვად, ხოლო არა ეგრე იყო, ვითარ შჯული შენი”. არამედ ვერ განიცხადებდა თავსა თვსსა სრულიად ქრისტეანედ, ხოლო ფარულად იმარხავნ და ილოცავნ ქრისტეს მიმართ და ეძიებდა ადგილსა კრძალულსა, სადამცა მოილო ნათელი ქრისტესი, რამეთუ ემინოდა სოფლისა მჰყრობელთა ამათ ზედამდგომელთა ჩუენთა სარკინოზთაგან.

და იყო დღეთა მათ შინა კუალად განრისხებად ჯელმწიფეთა მათ სარკინოზთად ნერსე ერისთავსა ზედა, და ივლტოდა იგი, რამეთუ სასტიკად ჰბრძოდეს მას სარკინოზთა ერი; და უფალმან დაიცვა იგი ჯელთაგან მათთა, და განვლო მან კარი იგი ოვსეთისად, რომელსა დარი-ალან ერქუმის. და რაჟამს განვიდა, იყო მის თანა ერისაგან მისისა ვითარ სამას ოდენ მამაკაც და მათ თანავე იყო სანატრელიცა ესე მონად ქრისტესი ჰაბოო.

ხოლო ნერსე, ვლტოლვილი ქუეყანით თვსით, შევიდა ქუეყანასა მას ჩრდილოდსასა, სადა-იგი არს სადგური და საბანაკჳ ძეთა მაგოგისთად, რომელ არიან ხაზარნი, კაც ველურ, საშინელ პირითა, მჯეცის ბუნება, სისხლის მჰამელ, რომელთა შჯული არა აქუს, გარნა ღმერთი ხოლო შემოქმედი იციან. და რაჟამს მივიდა ნერსე ერისთავი მეფისა მის ხაზართაჲსა, შეიწყნარა იგი უცხოებისათვს და ვლტოლვილებისათვს მტერთა მისთაჲსა და სცა მას და ყოველსა ერსა მისსა საზრდელი და სამოსელი.

მაშინ, ვითარცა იხილა ნტარმან ჰაბო, რამეთუ განშორებულ არს შიშისაგან და მძლავრებისა და სარკინოზთაჲსა, ისწრაფა მან მიახლებად ქრისტესსა და ნათელ ილო სახელითა მამისაჲთა და ძისაჲთა და სულისა წმიდისაჲთა ჯელითა პატიოსანთა მღდელთაჲთა; რამეთუ მადლითა სულისა წმიდისაჲთა მრავალ არს ქალაქები და სოფლები ქუეყანასა მას ჩრდილოდსასა, რომელნი სარწმუნოებითა ქრისტესითა ცხომდებიან უზრუნველად. მიერთგან უფროდსა სავსჳ მადლითა ქრისტესითა ნეტარი ჰაბო შეეყო მარხვასა და ლოცვასა დაუბრკოლებელად.

მაშინ, შემდგომად რავდენისამე ჟამისა, ევედრა ნერსე მეფესა მას ჩრდილოდსასა, რადთა განუტეოს იგი მიერ ქუეყანად აფხაზეთისა, რამეთუ პირველადვე წარეგზავნენს მას დედაჲ და ცოლი და შვილნი და მონაგები და ყოველნი სახლისა მისისანი, რამეთუ კრძალულ იყო ქუეყანად იგი შიშისაგან სარკინოზთაჲსა. ხოლო ღმერთმან მოამშჳდა პირი მეფისა მის ჩრდილოდსად და განუტევა ნერსე მრავლითა ნიჭითა. და წარემართნეს იგინი სიხარულითა და მადლობითა ღმრთისაჲთა და განვლეს ქუეყანად იგი წარმართთად, რომელთა ყოვლადვე არა იციან ღმერთი, და უშიშად ვიდოდეს დღჳ და ღამჳ სამისა თთვსა გზასა.

ხოლო ნეტარი ჰაბო ეგოდენტა ამათ დღეთა მგზავრ ილოცვიდა და იმარხვიდა და არა დასცხრებოდა იგი ფსალმუნებითა. და ვითარცა მიიწინეს იგინი ქუეყანად აფხაზეთისა, მთავარმან მის ქუეყანისამან შეიწყნარა ნერსე ყოვლით ერით მისითურთ. ვითარცა იხილა ნერსე დედოფალი, დედაჲ თვსი, და ცოლი და ძენი თვსნი, სიხარულითა ყოველნივე აკურთხევედეს ღმერთსა ცოცხლებით და მშჳდობით შეკრებისა მათისათვს.

მაშინ, ვითარცა ეუწყა მთავარსა მას აფხაზეთისასა ნეტარისა ჰაბოდსთვს, რამეთუ ახალ ნათელ-ღებულ არს, განიხარა ფრიად ყოვლით ერთ მისითურთ; და მოუწოდეს მას მთავარმან მან და ეპისკოპოსმან და მღვდელთა და აკურთხევდეს და ნუგეშინის სცემდეს და უთხრობდეს მას სიტყუათა ცხოვრებისათა და ახარებდეს ქრისტესთვს, და საუკუნოდსა მის ცხოვრებისათვს. ხოლო იგი თავით თვსით მიუგებდა მათ მადლობით სიტყუათა მათ ჭეშმარიტისა სარწმუნოებისათა, ვიდრემდის უკვრდაცა მათ და ადიდებდეს ღმერთსა.

და ნეტარი ჰაბო უფროდსა ჰმადლობდა ღმერთსა, რამეთუ იხილა მან ქუეყანად იგი სავსე ქრისტეს სარწმუნოებითა და არავინ ურწმუნოთაგანი მკვდრად იპოვების საზღვართა მათთა. რამეთუ საზღვარ მათდა არს ზღუად იგი პონტოდსად, სამკვდრებელი ყოვლადვე ქრისტეანეთად, მისაზღვრადმდე ქალდიასა, ტრაპეზუნტიად მუნ არს, საყოფელი იგი აფსარეადსად და ნაფსადს ნავთ-სადგური. და არს ქალაქები იგი და ადგილები საბრძანებლად ქრისტეს-მსახურისა იონთა მეფისა, რომელი მოსაყდრე არს დიდსა მას ქალაქსა კონსტანტინეპოვლისასა.

ხოლო წმიდამან და ნეტარმან ჰაბო, ვითარცა იხილა კაცთა მის ადგილისათა გარდამეტებული ღმრთის-მოყუარებად და ლოცვად ყოვლისა მის ერისად დაუცადებელი, შური საღმრთოდ აღიღო, რამეთუ მოიკსენა მან სიტყუად იგი წმიდისა მოციქულისად, ვითარმედ “კეთილ არს ბაძვად კეთილისათვს მარადის”. იწყო მანცა დღეთა მათ ზამთრისათა, თთვსა მის იანვარისასა, აჩვდმეტსა მის თთვსასა, კსენებესა წმიდისა მამისა ანტონისსა, აღიღო მანცა ფიცხელი იგი შრომად და შორის ქალაქსა, ვითარცა უდაბნოსა ზედა, ეწყვებოდა მტერსა მას ეშმაკსა; და დუმილითა და მარხვითა მოაუძღურებდა იგი ჯორცთა მათ სიჭაბუკისა თვსისათა, “რადთა შეუძლოს ყოველთა მათ ისართა ეშმაკისათა განჯურვებულთა დაშრეტად”. მოიკსენა მან მაცხოვრისა ჩუენისად, ვითარ-იგი შემდგომად წმიდისა მის ნათლისღებისა უდაბნოდ განსრულმან, მზაკუვარსა მას განმცდელსა სძლო, ეშმაკსა, ლოცვითა მით და მარხვითა წმიდითა ორმეოც დღე.

ეგრეწთვე ნეტარი ესე ჰაბო არცაღა ერთსა რას სიტყუასა იტყოდა კაცთა შორის, გარნა ღმერთსა ხოლო ჰზრახავნ წმიდასა შინა ლოცვასა თვსსა. ეგრეწთ განვლო სამ თთუე და დაადგრა მარხვით და დუმილით. ხოლო წმიდათა მათ დღეთა დიდისა მის მარხვისათა, შვდთა მათ შვდეულთა კვრიაკესა და დღესა შაბათსა ხოლო მი-რად-იღის წმიდად იგი საიდუმლოდ, ჯორცი და სისხლი ქრისტესი, მაშინღა ნაკლულევანად მიიღის საზრდელი, ვიდრემდის მიიწია იგი წმიდასა მას დღესა, დიდსა დღესასწაულსა აღვსებასა, აღდგომასა ქრისტეს ღმრთისა ჩუენისასა; მაშინღა დააცადა ფიცხელი იგი მარხვად და განჯსნა ენადცა თვსი უტყუებისაგან და ადიდებდა ღმერთსა.

ხოლო იყო შემდგომად სივლტოლისა მის ნერსწსისა ქართლით, წარმოავლინა მაჰდი ამირა მუმნმან ბრძანებითა ღმრთისადათა სტეფანოზ, ძე გურგენ ერისთვისად, დისწული ნერსწსი, ნაცვალად დედის-ძმისა თვსისა ნერსწსა, ერის-მთავრად ქუეყანასა ამას ქართლისასა. მაშინ მხიარულ იქმნა ნერსე, რამეთუ უფლებად იგი სახლისა მისისაგან არა განაშორა უფალმან. ესეცა წადიერ იქმნა უფროდსა გულს-მოდგინედ და წარმოავლინნა

მოციქულნი და ითხოვა კელმწიფეთაგან ამირათა ამის ქუეყანისათა, რადთა უშიშ-ყონ იგი ბოროტისაგან და გამოვიდეს კსნილად ყოვლით ერთი მისითურთ.

და ვითარცა წარმოემართნეს იგინი ქუეყანით აფხაზეთით, მაშინ ნეტარსა ჰაბოს მიუწოდა მთავარმან მან აფხაზეთისამან და ჰრქუა: “ნუ განხუალ შენ ამიერ ქუეყანით, რამეთუ ქუეყანად იგი ქართლისად სარკინოზთა უპყრიეს და შენ ხარ ბუნებით სარკინოზ, და არა გიტეონ შენ ქრისტეანობით მათ შორის; და მეშინის მე შენთვს, ნუუკუე კუალად განგდრიკონ შენ სარწმუნოებისაგან ქრისტესისა ნეფსით, გინა უნებლებით, და ესოდენი შრომად შენი წარსწყმიდო”. ხოლო ნეტარმან ჰაბო ჰრქუა: “სადაღა შემიწყნარა მე ქრისტემან და განმაშორა ჩემგან ბნელი იგი პირველისა მის უმეცრებისა ჩემისად და ღირს მყო მე ნათელსა მას მისსა, არასადა უვარ-ვყო მე სახელი მისი, დადათუ ბევრეული ოქროდსად და ვერცხლისად მომცენ მე, გინა თუ ტანჯვითა და გუემითა განმიკითხონ მე, ვერ განმაშორონ მე სიყუარულსა უფლისა ჩემისასა. და აწ შენ ნუ დამაყენებ მე, ღმრთისმსახურო, რამეთუ რად მადლ არს ყოფად ჩემი აქა, სადა არა არს შიში, არცა სიკუდილი ქრისტესთვს? აწ გევედრები, განმიტევე მე, რადთა ეუწყოს განცხადებულად ქრისტეანობად ჩემი ქრისტეს-მოძულეთა მათ, რამეთუ მესმა მე წმიდისა სახარებისაგან თქუმული იგი მაცხოვრისა ჩუენისა მიერ, ვითარმედ “არავინ აღანთის სანთელი და შედგის იგი ქუეშე ჳვმირსა, არამედ ზედა სასანთლესა გადგიან, რადთა ენთებოდის ყოველთა; ეგრე ბრწყინევიდინ ნათელი თქუენი წინაშე კაცთა”. და აწ მე რადსათვს დავფარო ჭემმარიტი ესე ნათელი, რომლითა განმანათლა მე ქრისტემან? არასადა დავემალო მე შიშისაგან სიკუდილისა, რამეთუ ვისწავე მე წმიდისა მისგან მოციქულისა, ვითარმედ “არცა ჩუკენთა სასუფეველი ღმრთისად ვერ დაიმკვდრონ”; ამისთვს არა მეშინის მე სიკუდილისაგან, რამეთუ მე სასუფეველსა ვეძიებ ქრისტესგან”. და ესრწთ არწმუნა მთავარსა მას და განუტევა.

და გამოვიდა იგი ნერსჯს თანა ქუეყანად ქართლდ და შემოვიდა ქალაქსა ტფილისს, და იქცეოდა იგი განცხადებულად ქრისტეანედ. და ვითარცა იხილეს იგი ქრისტეანედ მუნ მყოფთა მათ სარკინოზთა, რომელთა იცოდეს იგი პირველად, რომელნიმე ჰყუედრიდეს, რომელნიმე აგინებდეს, რომელნიმე აშინებდეს, რომელნიმე სდევიდეს, რომელნიმე მმჯდობისა სიტყვთა შეაჯერებდეს.

ხოლო იგი განმტკიცებულ იყო ქრისტეს მიმართ და არავისგან შეძრწუნდებოდა. არამედ სამისა წლისა ჟამთა იქცეოდა ქალაქსა მას შინა და გარემოდს ყოველსა სოფლებსა განცხადებულად ქრისტეანედ, არამედ “ვერვინ მიყვნა კელნი მას ზედა ბოროტებით, რამეთუ არღა მოწევნულ იყო ჟამი მისი”. ხოლო კაცნი ქრისტეს-მოყუარენი, რომელთა იცოდეს ღმრთისა მიმართ სათნოებად მისი, ილუწიდეს მას საზრდელითა და სამოსლითა.

მესამე თავი

**წამებად წმიდისა ჰაბოდსი**

რომელნი ხართ ქრისტეს-მოყუარენი და მარტვლთ-მოყუარენი, მიიღეთ ჩემგან სანატრელი ესე სმენად წმიდისა მოწამისა და ქრისტეს-მოღუაწისად, რომელი სიმკნითა და დიდებითა გვრგვნოსან იქმნა ქრისტეს მიერ!

სუფევასა უფლისა ჩუენისა იესუ ქრისტესსა, წელიწადსა ვნებითგან და მკუდრეთით აღდგომით, მეფობასა კოსტანტინეპოვლის. ქალაქსა მას დიდსა, ქრისტეანეთა ზედა კონსტანტინწსსა, ძისა ლეონისსა, სარკინოზთა შორის მეფობასა მოსე ამირა-მუმნისასა, ძისა მაჰდისსა, ქართლს შინა კათალიკოზობასა სამოელისსა, ერის-მთავრობასა სტეფანოზისსა, ძისა გურგენისსა, დასაბამით გარდასრულთა ექუს ათას ოთხას ოცდამეოთხსა წელსა, თთუესა იანვარისასა ექუსსა, დღესა პარასკევსა, განცხადებასა, შევისწავეთ მარტვლობად წმიდისა და ნეტარისა ამის მოწამისა და კეთილად-მოღუაწისა ჰაბოღსი ქალაქსა ტფილისს. ხოლო იყო ესრე სახედ:

რამეთუ მცირედ უწინარწს-რე დღეთა ამათ შეიპყრეს ნეტარი ესე მოწამწ ქრისტესი და მიიყვანეს იგი მსაჯულისა მის, რომელ იყო ამირად ქალაქსა ტფილისს, და ქრისტეს აღსარებისათჳს შეაყენეს იგი საბყრობილესა, ხოლო შემდგომად რავდენტამე დღეთა გამოითხოვა იგი სტეფანოზ, ერისთავმან ქართლისამან, და გამოიყვანა საპყრობილით და განუტევა.

და შემდგომად მცირედთა დღეთა კუალად აღიძრნეს შემასმენელნი წმიდისა ამის მოწამისანი, განრისხებულნი და აღბორგებულნი, სავსენი შურითა ქრისტეანეთაათა შეიზრახნეს შეთქუმით წმიდასა მას ზედა და შევიდეს წინაშე მსაჯულისა მის, რამეთუ სხუად მსაჯული ამირად შემოსრულ იყო ქალაქსა ტფილისს, და ჰრქუეს მას: “არს ქალაქსა ამას შინა ჭაბუკი ერთი, რომელი იყო ბუნებით სარკინოზ და განზრდილ და ცხორებულ შჯულითა მით, რომელი მომცა ჩუენ მაჰმედ, მოციქულმან ჩუენმან; და აწ დაუტევებიეს შჯული ესე ჩუენი და იტყვს თავსა თვსა ქრისტეანედ და უშიშად ვალს ქალაქსა შინა და მრავალთა ასწავებს ჩუენგანთა ქრისტეანე-ყოფად. აწ ბრძანე შეპყრობად მისი და შეაგდე იგი სატანჯველსა და გუემასა, ვიდრემდის არა აღიაროს შჯული მაჰმედ მოციქულისა ჩუენისად; უკუეთუ არა, მოკუედინ იგი, რადთა არა მობაძავ იქმნენ მისა მრავალნი სიტყვთა მისითა”.

ამას რად შეასმენდეს, ესმა ვიეთმე ქრისტეანეთა კაცთა და მივიდეს მწრაფლ და უთხრეს ნეტარსა ჰაბოღს, ვითარმედ “აწ ესერა გეძიებენ შენ შეპყრობად, ტანჯვად და გუემად”; და შეაჯერებდეს მას, რადთამცა მიჰრიდა და დაემალა. ხოლო მან ჰრქუა მათ: “მე არა ხოლო ტანჯვად განმზადებული ვარ ქრისტესთვის, არამედ სიკუდიდცა”. და გამოვიდა იგი სიხარულით და იქცეოდა შორის უბანთა განცხადებულად. მაშინ მოვიდეს მსახურნი იგი მის მსაჯულისანი და შეიპყრეს ნეტარი ჰაბოღ და შეიყვანეს იგი წინაშე მსაჯულისა მის.

და ჰრქუა მას მსაჯულმან მან: “რად არს, რომელი ესე მესმის შენთვის, რამეთუ ხარ შენ ნათესავით და ტომით სარკინოზ და დაგიტევებიეს მამული შჯული და ქრისტეანეთა თანა შეცთომილ ხარ? აწ განემზადე და ილოცე შჯულითა მით, რომლითა განგზარდეს მშობელთა შენთა”! ხოლო ნეტარი ჰაბოღ განძლიერდა ქრისტეს მიერ და აღივსო სულითა

სარწმუნოებისადთა და ჰრქუა მსაჯულსა მას ამირასა: «ეგე კეთილად სთქუ, რამეთუ ვარ მე ბუნებით სარკინოზ, შობილვე მას შინა მამულად და დედულად; განსწავლულ ვიყავ შჯულითა მით მაჰმედისითა და ვცხომდებოდე მას შინა, ვიდრე უმეცრებასა შინა ვიყავ. ხოლო ოდეს სათნო-ყო ღმერთმან, რომელმან გამომირჩია მე ძმათა და ნათესავთა შორის ჩემთა და მიჰსნა მე იესუ ქრისტეს მერ, ძისა მისისა და ღმრთისა ჩემისა, და გულისჴმა მიყო მე უმჯობესი იგი კეთილი, მაშინ დაუტევე მე პირველი იგი კაცთა კელოვნებითა შეთხზული შჯული და ზღაპრობისა სიბრძნითა ღონისძიებული რწმუნებად, და აწ შეუდეგ მე ჴემმარიტსა ქრისტეს მიერ მომადლებულსა სარწმუნოებასა სამებისა წმიდისა, - მამისა და ძისა და სულისა წმიდისასა, - და ამით ნათელ მიღებიეს და ამასცა თაყვანის-ვსცემ, რამეთუ ესე არს ღმერთი ჴემმარიტი, და აწ ქრისტეანე ვარ თვნიერ ყოვლისა ცილობისა».

ჰრქუა მას მსაჯულმან მან: “დაუტევე სიცოფისა ეგე განზრახვად და უკუეთუ ნაკლულევანებისა შენისათვს შედგომილ ხარ ქრისტეანეთა, მე უფროდსდა ნიჴი და პატივი აწვე მიგცე შენ”.

ჰრქუა მას ნეტარმან ჰაბო: “ოქროდ და ვერცხლი შენი შენ თანავე იყავნ წარსაწყმედელად თავისა შენისა; მე პატივსა კაცთაგან არა ვეძიებ, რამეთუ მაქუს მე ნიჴი ქრისტეს-მიერი, გვრგვნი ცხოვრებისა და უხრწნელებისა და პატივი საუკუნოდ ცათა შინა”.

მაშინ უბრძანა მსაჯულმან მან კელით და ფერჯით შეკრვად მისი ბორკილითა რკინისადთა და ეგრეჴთ შთააგდეს იგი საბყრობილესა. ხოლო ნეტარსა მას უხაროდა და ჰმადლობდა უფალსა და იტყოდა: “გმადლობ შენ, უფალო და მაცხოვარო ღმერთო ჩუენო, იესუ ქრისტე, რამეთუ ღირს მყავ მე განკითხვასა და პყრობილებასა სახელისა შენისათვს წმიდისა”.

და იყო ესე თთუესა დეკენბერსა ოცდა შჯდსა, დღესა სამშაბათსა, ჴსენებასა ქრისტეს მოციქულისა, პირველ-დიაკონისა და პირველ-მოწამისა და ერის-მთავრისა მის ყოველთა მოწამეთადას წმიდისა სტეფანჯსსა, წესვე და შუენიერ ესრჴთ იყო, რადთა ილუწიდეს მისთვს ერისთავი იგი ყოველთა მარტულთად მის თანა მათ თანა ყოველთა მოწამეთა, რადთა არა დაბრკოლდეს უკუანადასკნელიცა იგი მოწამჴ ქრისტესი თანაშერაცხად ახოვნებასა მათსა.

და იყოფოდა ნეტარი ჰაბომ საბყრობილესა შინა მარხვითა და ლოცვითა და ფსალმუნებითა ღამჴ და დღჴ განუსუენებლად და ჴყოფდა იგი ქველის საქმესა: რამეთუ განყიდა მან ყოველი, რადცა აქუნდა მას, და ჴზრდიდა იგი მშიერთა და ნაკლულევანთა მის თანა პყრობილთა მათ. ხოლო ცრუ-მოდლუარნი იგი შემასმენელნი შევიდიან მისა და ეტყვედ რომელნიმე რეცა სიტყვთა ლიქნისადთა: “შვილო, ნუ განიწირავ თავსა შენსა, ნუცა სიჴაბუკესა შენსა განჴვაჴრი ქრისტეანედ და ნუცა ძმათა და ნათესავთა შენთა განეშორები, რადთა არა შეამთხვო ძვრი თავსა შენსა და შეგუაწუხნე ჩუენ ყოველნი”. და რომელნიმე მათგანნი აშინებედ მას და ეტყვედ: “რად სარგებელ გეყოს შენ ქრისტე იგი შენი, ანუ ვინ გიჴსნეს შენ ჴელთაგან ჩუენთა, რამეთუ ცეცხლი და სატანჯველი აწვე განგჴმზადებიეს შენთვს არა თუ მოიქცე ჩუენდავე”.

ხოლო ნეტარი იგი არა ისმენნ მათსა, არამედ ილოცავნ და უღარდილოდ ფსალმუნებნ გონებითა თვსითა; და შემდგომად მრავლისა სიტყვსა მათისა ჰრქუა მათ: “ჩემდამო ნურას იტყოდეთა, რამეთუ მე, ვითარცა ყრუსა, არა მესმოდა და ვითარცა უტყუმან რად არა აღაღის პირი თვსი; ვიყავ მე, ვითარცა კაცი უსმი, რომლისა თანა არა არს პირსა მისსა სიტყუად, რამეთუ მე უფალსა ვესავ. განმეშორენით მე, უკეთურნო, და გამოვიძინე მე მცნებანი ღმრთისა ჩემისანი”! და ვითარცა ვერ შეძრეს მართალი იგი, გამოვიდეს მიერ სირცხვლეულნი.

და იყო ნეტარი იგი საპყრობილესა შინა ცხრა დღე, და დღე ყოველ იმარხავნ და ღამის-თევით დაადგრის განთიადამდე. ხოლო დღესა მას მეცხრესა ჰრქუა ყოველთა მათ მის თანა პყრობილთა ქრისტეანეთა და სხუათაცა, ვითარმედ “ხვალე განსლვად არს ჩემი ჯორცთაგან და მისლვად უფლისა ჩემისა და ღმრთისა იესუ ქრისტეს თანა”, რამეთუ ესე უფალმან გამოუცხადა თვსსა მას მოწამესა. და მაშინ განიძარცუა მან სამოსელი თვსი და განსცა იგი სავაჭროდ, რადთა უყიდონ მას სანთელად კერეონები და საკუმეველი, და წარსცა ყოველთა მათ ეკლესიათა ქალაქისათა, რადთა აღანთონ. და მიავლინა ყოველთა მღდელთა ვედრებით, რადთა ლოცვა-ყონ მისთვს, რომლითა არა დაბრკოლდეს სარწმუნოებისაგან ქრისტესისა და ღირს იქმნეს მოლუაწებასა მას ქრისტეს მოწამეთასა.

ხოლო მან ღამესა მას წმიდისა მის დღესასწაულისასა, ღამისთევასა მიიხუნა ორნი სანთელნი დიდნი ჳელთა თვსთა და დადგა იგი შორის საპყრობილესა და დაადგრა მდგომარწ ზედა ფერჳთა თვსთა, ვიდრე განთიადამდე, ყოვლადვე დაუჯდომელად, ვიდრემდე აღასრულნა ფსალმუნნი და სანთელნი დაიწუნეს ჳელთა შინა მისთა, რკინითა შეჭედილთა ზედა ქედსა მისსა; და იტყოდა მდგომარწ იგი შეუძრველად, ვითარმედ “წინაღსწარ ვხედევდ უფალსა, წინაშე ჩემსა არს მარადის, რამეთუ მარჯულ ჩემსა არს, რადთა არა შევიძრა”, და შემდგომნი იგი სიტყუანი.

და რაჟამს განთენა მეათწ იგი დღწ დღესასწაულისა მის მაცხოვრისა ნათლისღებისად, რომელ არს თთუესა იანვარსა ექუსსა, იყო დღწ იგი პარასკევი; და თქუა ნეტარმან მან: “დიდ არს ჩემდა დღწ ესე, რამეთუ ვხედავ ორ-კერძოვე ძლევასა უფლისა ჩემისა იესუ ქრისტესსა, რამეთუ დღესასწაულსა ამას შთაჳდა მდინარესა მას იორდანისასა განშიშულელებული ნათლის-ღებად და სიღრმესა მას შინა წყალთასა დამალულისა მის ვეშაპისა თავები ძალით ღმერთებისადთა შემუსრა. ჯერ-არს ჩემდაცა დღესა ამას, რადთა განვიძარცო შიში ჳორცთა ამათ ჩემთად, რომელნი სამოსელ არიან სულისა ჩემისა, და შთავჳდე, ვითარცა სიღრმესა ზღვსასა, შორის ქალაქსა ამას და ნათელ ვილო სისხლითა ჩემითა და ცეცხლითა დ სულითა, ვითარცა ქადაგა წინამორბედმან იოვანე, და მერმე კუალად შთავჳდე წყალთაცა და კუალად განვნათლდე, რამეთუ დღეს გარდამოსლვად არს სულისა წმიდისად ყოველთა ზედა წყალთა, რომლითა ნათელ იღებენ ქრისტეს მორწმუნენი სახედ იორდანისათა მათ მდინარეთა, და განშიშულეებითა ჳორცთა ჩემთადთა მტერისა მის მზაკუარისა მანქანებანი, რომელ იზრახნა ჩემთვს, განვბასრნე და დავტკებნე ფერჳითა ჩემითა შორის ქალაქსა ამას.

და კუალად დღესა ამას პარასკევსა ვნებითა თვსითა უფალმან ჩემმან იესუ ქრისტემან ჯუარსა მას ზედა განპყრობითა ჳელთა თვსთადთა განაქიქა და თითისა საჩუენებელ-ყო

ყოველთა კიდეთა ქუეყანისათა მტერი იგი ყოვლისა სოფლისაჲდ. აწ მეცა თანა მაც, რადთა განუკდე ბრძოლად მტერსა მას ქრისტეანეთასა და ქრისტესსკოს დათხევითა სისხლთა ჩემთათა საცინელ და საკიცხელ ვყო იგი ყოველთა ქრისტეანეთა, რამეთუ ჰგონებდა იგი, ვითარმცა შიშითა სიკუდილისაჲთა განმაშორა მე სიყუარულსა უფლისა ჩემისა იესუ ქრისტესსა. ხოლო მე საყუედრელ-ვყო განზრახვად იგი მისი და ვსძლო მას ქრისტე-მიერიითა შეწევნითა და ორ-კერძოდვე იგი თანანადები უფლისა ჩემისაჲდ გარდავიკადო”.

მაშინ მოითხოვა წყალი და დაიბანა პირი თვისი და იცხო ზეთი თავსა თვისსა და თქუა: “მაშინ სადამე ვიყავ თვთ მენელსაცხებელე, კეთილად შემზადებელ სულნელთა მათ საცხებელთა, ხოლო ესე საცხებელი დღედ დაფლვისა ჩემისა არს, ამიერითგან არღარა ვიცხო განქარვებადი ესე მწირობისა ჩემისა ზეთი, არამედ, ვითარცა “ქებასა შინა ქებათასა” ბრძენმან სოლომონ მასწავა მე: “სულნელებასა ნელსაცხებელთა შენთასა ვრბიოდი” ქრისტე, რომელმან აღმავსე მე განუქარვებელითა მით სულნელებითა სარწმუნოებისა და სიყუარულისა შენისაჲთა. იგი შენ, უფალო, რამეთუ შეგიყუარე შენ უფროდს თავისა ჩემისა!” და ესე რად თქუა, წარავლინა წმიდად ეკლესიად და მოჰგუარეს მას წმიდად იგი საიდუმლოდ, ჯორცი და სისხლი ქრისტესი.

იყო ჟამი იგი მესამე დღისა მის დიდისა დღესასწაულისაჲდ, და ვითარცა მოილო მან ჭემმარტი იგი და განმაცხოველებელი საიდუმლოდ, თქუა: “გმადლობ შენ, უფალო ჩემო და ღმერთო, იესუ ქრისტე, რომელმან მომეც მე საგზლად ჩემდა ცხოვრების მომანიჭებელი ჯორცი შენი და სიხარულად და განმამტკიცებლად ჩემდა პატიოსანი სისხლი შენი! აწ უწყი, რამეთუ არა დამიტევე მე, არამედ ჩემ თანა დადგრომილ ხარ და მე შენ თანა. ამიერითგან არღარა მივილო სხუად საზრდელი, რომლითა კუალად მშობის და არცა სხუად სასუმელი, რომლითა კუალად მწყუროდის, არამედ კმა არს ესე ჩემდა ცხოვრებად საუკუნოდ; აწ “დაღათუ ვიდოდი მე შორის აჩრდილთა სიკუდილისათა, არა შემეშინოს მე ბოროტისაგან, რამეთუ შენ, უფალი, ჩემ თანა ხარ”.

და ესე ვითარცა თქუა, მყის მოიწინეს მსახურნი იგი მსაჯულისანი, და იჯმნა ყოველთა მათგან პყრობილთა ქრისტეანეთა და ჰრქუა მათ: “ლოცვასა მომიკსენეთ მე, რამეთუ არღარა მიხილოთ მე საწუთროსა ამას სოფელსა”! და გამოიყვანეს იგი ეგრეტვე ბორკილითა ფერჯთა და ჯელთაჲთა; და მიჰყვანდა იგი შორის ქალაქსა და რომელნი ჰხედვიდეს მას ქრისტეანენი და მეცნიერნი მისნი, ცრემლოოდეს მისთვის. ხოლო წმიდამან ჰაბო ჰრქუა მათ: “ნუ სტირთ ჩემ ზედა, არამედ გიხაროდენ, რამეთუ მე უფლისა ჩემისა მივალ, ლოცვით წარმგზავნეთ და მშვდობამან უფლისამან დაგიცვენინ თქუნ”!

ხოლო იგი მივიდოდა, ვითარცა ვინ მოგზაურ ექმნის მკუდარსა, ეგრე ხედვიდა თვისსა მას გუამსა; და სულითა თვისითა მოგზაურ ქმნული თვთ იტყოდა ფსალმუნსა ამას ას და მეათრვამეტესა: “ნეტარ არიან უბიწონი გზასა, რომელნი ვლენან რჯულსა უფლისასა”, და საგალობელად მუკლისა მისთქუს შემდგომად სიტყუად იგი ნეტარისა მის ავაზაკისაჲდ: “მომიკსენე მე, უფალო, ოდეს მოხვიდე სუფევითა შენითა”!

და ესრწოთ მიიწია იგი კარსა მას მსაჯულისა მის ამირისასა; და რაჟამს მიიწია, კადნიერად დასწერა ჯუარი კარსა მას და თვთცა დაიბეჭდა ჯუარი. და წარადგინეს იგი წინაშე მსაჯულისა მის, და ჰრქუა მას მსაჯულმან: “რად არს, ჭაბუკო, რად განიზრახე თავისა შენისაჲ”? ხოლო წმიდაჲ მოწამჲ აღივსო სულითა წმიდითა და ჰრქუა მას: “მე განვიზრახე და ქრისტეანე ვარ!”

ჰრქუა მას მსაჯულმან მან: “არა დაგიტევებიეს სიცოფჲ იგი და უგუნურებაჲ შენი”? ჰრქუა მას ნეტარმან ჰაბო: “უკუეთუმცა უმეცრებასა და უგუნურებასა შინა ვიყავ, არამცა ღირს ვიქმენ შედგომად ქრისტესაჲ!»! ჰრქუა მას მსაჯულმან მან: “არა გიცნობიესა, რამეთუ სიტყუანი ეგე შენნი მომატყუებელ სიკუდილისა გექმნებიან შენ”? ჰრქუა მას წმიდამან ჰაბო: “უკუეთუ მოვკუდე, მრწამს მე, რამეთუ ქრისტეს თანა ვცხომდე, ხოლო შენ რასა განაგრძობ? რად გეგულებიეს ჩემ ზედა, იქმოდე, რამეთუ მე, ვითარცა კედელსა მაგას, რომელსა მიყრდნობილ ხარ, ეგრე არა მესმიან ცუდნი ეგე სიტყუანი შენნი. რამეთუ გონებაჲ ჩემი ქრისტეს თანა არს ზეცას”!

ჰრქუა მას მსაჯულმან მან: “რად ეგოდენი სიტკბოებაჲ გაქუს ქრისტეს შენისაგან, რომლითა სიკუდილცა არა გეწყალის თავი შენი”? ჰრქუა მას წმიდამან ჰაბო: “უკუეთუ გნებავეს ცნობად სიტკბოებაი მისი, შენცა გრწმენინ ქრისტე და ნათელი იღე მისა მიმართ და მაშინდა ღირს იქმნე ცნობად სიტკბოებისა მისისა”!

მაშინ განრისხნა ამირად იგი და უბრძანა განყვანებაჲ მისი გარე და მოკუეთაჲ თავისა მისისაჲ. ხოლო მსახურთა მათ გამოიყვანეს გარეშე კართა, ეზოსა მას ტაძრისასა, და განჰქსნეს იგი ჳელით და ფერჳით საკრველთა მათგან რკინისათა. ხოლო ნეტარმან მან თავით თვსით მწრაფლ განხეთქა სამოსელი იგი, რომელ ემოსა, და განშიშულეზულმან დაიბეჭდა ჯუართა პირი და გუამი თვსი და თქუა: “გმადლობ და გაკურთხევე შენ, სამებაო წმიდაო, რამეთუ ღირს მყავ მე მიმთხუევად ღუაწლსა მას წმიდათა მოწამეთა შენთასა! და ესე რად თქუა, უკუნ ისხნა ჳელნი თვსნი ჯუარის სახედ ზედა ზურგსა თვსსა და მხიარულითა პირითა და კადნიერითა სულითა ღაღად-ყო ქრისტეს მიმართ და მოუდრიკა ქედი თვსი მახვლსა.

და სცეს მას მახვლითა სამ-გზის, რამეთუ ჰგონებდეს, ვითარმედ შიშითა სიკუდილისაჲთა განაშორონ იგი ქრისტესა; ხოლო წმიდაჲ იგი მარტული დუმილით მჳნედ მიითუალვიდა მახვლსა, ვიდრემდის შეჰვედრა სული თვსი უფალსა.

და ვითარცა იხილეს ქრისტეს მბრძოლთა მათ შემასმენელთა წმიდისა მის მოწამისათა, რამეთუ სრულ იქმნა ნეტარი იგი ქრისტეს მიმართ და ღუაწლი კეთილი მოიღუაწა და სარწმუნოებითა და მოთმინებითა სძლო მათსა მას სიბორგილესა, უფროდსა აღივსნეს შურითა და შევიდეს წინაშე მძლავრისა მის და ჰრქუეს: “ჩუენ ვიცით, რამეთუ ჩუეულებაჲ არს ქრისტეანეთაჲ ესრე სახედ: თუ ვინმე თავი მოიკლის ქრისტეს მათისათვს, მოიპარიან გუამი მისი და პატივს-სციან მას დაფლვითა, ტყუვილითა რეცა თუ სასწაულსა და კურნებასა რასმე განსთქუმედ ერსა შორის, და სამოსელსა და თმასა თავისა მისისასა და ძუალსა მისსა განიყოფედ, რეცა საცოდ სნეულთათვს, და ამით სახითა მრავალნი უცებნი შეიტყუენიან. აწ ბრძანე გუამი მისი მოცემად ჩუენდა, რადთა



განვიდლოთ და დავწუათ იგი ცეცხლითა და განვაქარვოთ იგი და აღვკოცოთ საცთური ქრისტიანეთაჲ, რადთა იხილონ ყოველთა და შეეშინოს და რომელნიმე მათგანნი მოიქცენ ჩუენდა და ჩუენგანთა ეშინოდის და არღარა შეუდგენ სწავლასა ქრისტიანეთასა”. ამას დაღათუ ქრისტიანეთა შურისათჳს იტყოდეს, არამედ ჭემმარიტსა და მართალსა წამებდესა, ვითარცა იგი არიან ქრისტჳს მოწამენი მკურნალ და მეოხ ყოველთათჳს, რომელნი მიეახლნენ მათ ქრისტჳსმიერთა სიყუარულითა და სარწმუნოებითა. ხოლო ჰრქუა მათ მსაჯულმან: “წარიღეთ ვიდრეცა გნებავს და ყავთ, ვითარცა თვთ იცით”!

მაშინ გამოვიდეს და აღიღეს ქუეყანით პატიოსანი იგი გუამი მისი და შთადვეს იგი გუალაგსა მას აღსაკიდებელსა სამოსლით მისითურთ და სისხლი იგი დათხეული მართლისა მის აღმოთხარეს ქუეყანით და რადთურთით არარაჲ დაუტევეს ქუეყანასა და იგიცა შთადვეს ჭურჭელსა შინა. და დადვეს წმიდაჲ იგი ურემსა ზედა, მსგავსად მკნეთა მათ წმიდათა ორმეოცთა, რამეთუ, სადა-იგი მოჰკუეთეს თავი წმიდასა მას მოწამესა, კართა ზედა იყო წმიდისა ეკლესიისათა, რომელი სახელად წმიდათა ორმეოცთა დაფუძნებულ იყო, წესვე იყო, რადთა ემსგავსოს იგი ახოვანთა მათ წმიდათა მოწამეთა ორმეოცთა.

და ვითარცა გამოიღეს წმიდაჲ იგი გუამი წმიდისა მის გარეშე ქალაქსა და აღიღეს ადგილსა, რომელსა საგოდებელ ეწოდების, რამეთუ მუნ არს საფლავები კაცთა მის ქალაქისათაჲ, მუნ გარდამოიღეს იგი ურემისა მისგან და დადვეს იგი ქუეყანასა. და მოიღეს შეშაჲ და თივაჲ და ნაფთი და დაასხეს გუამსა მას ზედა წმიდასა და დააგზნეს ცეცხლი, ვიდრემდის დაწუნეს ჯორცნი იგი წმიდისა მოწამისანი ადგილსა მას, რომელ არს აღმოსავლით ციხესა მას ქალაქისასა, რომელსა ჰრქვან სადილეგო, პირსა ზედა კლდისასა, რომელ არს კბოდჳ, კლდჳ მდინარისა მის დიდისაჲ, რომელი განჰვლის აღმოსავალით ქალაქსა, ესე არს სახელით მტკუარი, ხოლო ადგილსა მას არავის აუფლეს მისლვად ქრისტიანეთაგანსა, ვიდრემდის აღასრულეს დაწუვაჲ იგი ჯორცთა მათ წმიდისა მოწამისათაჲ.

ხოლო ძუალნი იგი წმიდისა მოწამისანი, რომელთა ვერღარა უძლეს დაწუვაჲ, შთაკრიბნეს ტყავსა ცხოვრისასა და შეკერნეს მტკიცედ და მიიხუნეს და შთაყარნეს დიდსა მას მდინარესა, ქუეშე ჳიდსა მას ქალაქისასა, რომელსა ზედა აღმართებულ იყო პატიოსანი ჯუარი ჳიდისაჲ. და იქმნა წყალი იგი მდინარისაჲ მის წმიდათა მათ ძუალთა სამოსელ გარეშეხუევითა მით და სიღრმჳ იგი წყალთაჲ საფლავ წმიდისა მის მარტვლისა, რადთა არავინ უდებად მიეხოს მათ. ქრისტჳს-მბრძოლთა მათ ესრჳთ ყვეს და ესრჳთ ღუაწლი კეთილი მოიღუაწა ნეტარმან მან.

მაშინ იწყო სიმრავლემან ქალაქისამან ქრისტიანეთამან და განაგდეს შიში მძლავრთაჲ მათ და განვიდოდეს ყოველნივე ადგილსა მას, სადაცა დაწუნეს ჯორცნი იგი წმიდისა მოწამისანი. მოხუცებულნი მირბიოდეს კუერთხებითა თჳსითა, მკელობელნი ვლდომით, ვითარცა ირემნი, ჭაბუკნი სრბით, ყრმანი ჳდომით ურთიერთას, დედანი მსგავს იყვნეს წმიდათა მათ მენელსაცხებლეთა, რომელთა სრბით მიაქუნდა სულნელები იგი წმიდასა მას ქრისტჳს ღმრთისა ჩუენისა საფლავსა; ნანდვლვე იყვნეს ესენიცა მსგავს

მათა, რამეთუ რბიოდეს ცრემლითა და მიაქუნდა მათ თანა სანთლები და საკუმეველი ჯელითა თვსითა. ყოველნივე სიხარულითა და მადლობითა ქრისტესითა მივიდოდეს და აღილებდეს მიწასაცა მის ადგილისასა, და მრავალნი სენთაგან შეპყრობილნი მიჰყვანდეს და მასვე დღესა შინა განიკურნებოდეს. ხოლო ყოვლად ძლიერმან ღმერთმან უფროდს გამოაჩინა ძალი თვისი და პატივ-სცა თვისსა მას მარტვლსა და აჩუნა სასაწაული საკვრველი, რადთა უწყოდინ ყოველთა, რამეთუ ქრისტეს მოწამე არს.

ვითარცა შემწუხრდა დღე იგი და იყო ჟამი პირველი ღამისაჲ მის, გარდამოავლინა უფალმან ადგილსა მას ზედა ვარსკულავი მოტყინარს, ვითარცა ლამპარი ცეცხლისაჲ, რომელი მყოვარ-ჟამ დგა ადგილსა მას, სადა დაწუვეს ნეტარი იგი მოწამე ქრისტესი. და დგა იგი ზე ჰაერთა, ვიდრე სამ ჟამადმდე, გინა უმეტეს, ღამისა მის, და გამოუტევებდა ბრწყინვალებასა არა თუ ვითარცა ცეცხლი ესე ქუეყანისაჲ, არამედ ვითარცა საშინელებად ელვისაჲ, რომელსა ჰხედვიდეს ყოველნი მოქალაქენი, მსაჯულიცა იგი და ყოველი ერი და მკვდრნი იგი ქრისტეანეთანი და ყოველნი სარკინოზნი და მწირნი, სხვთ მოსრულნი; მყოვარ-ჟამ ჰხედვიდეს გუგაჲთა თუალისაჲთა, ვიდრემდის ჰკდებოდდაცა მძლავრთა მათ. და მი-ვინმე-ვიდეს ხილვად ადგილსა მას მსახურთაგანნი მსაჯულისა მის ამირისანი, რამეთუ ჰგონებდეს, ნუჟუე ქრისტიანეთა აღანთეს სანთელი ადგილსა მას. და ვითარცა მიეახლებოდეს ადგილსა მას, იხილეს, რამეთუ აღმალდებოდა ვარსკულავი იგი ზე ჰაერთა, და ვერ მიეახლნეს ადგილსა მას, რამეთუ შეიპყრნა იგინი შიშმან საღმრთომან.

ხოლო კუალად მეორესა ღამესა უმეტესდა წყალთა გამოსცეს განსაკვრველი ნათელი; რომელთა-იგი საუცარ ეგონა ქუეყანასა ზედა და ჰაერსა ქუეშე ცეცხლი იგი ზეცისაჲ, უნდა დაფარვად საკვრველებათა მათ, კუალად წყალთა ვერვე დააყენეს და ვერცა დაშრიტეს ფიცხელთა მათ მფოფინარეთა ღელვათა და სიღრმეთა. სადა-იგი შთაყარნეს ღმრთივ-პატივცემულნი იგი ძუალნი სანატრელისა მის მოწამისანი, ჳიდსა მას ქუეშე, აღმობრწყინდეს ნათელნი სუეტისა მსგავსად, ვითარცა ელვანი, რომელნი კუალად მყოვარ-ჟამ დგეს და განათლებულ იყო გარემოდს კიდეთა მის მდინარისათა კლდეს-იგი და კბოდენი და ჳიდი იგი, ზსთგან ვიდრე ქუედმდე, რომელსა ეგრევე ყოველი სიმრავლეს ქალაქისაჲ ჰხედვიდა, რადთა ყოველთა ჰრწმენეს, რამეთუ ჰქემმარიტად იესუ ქრისტეს, მისა ღმრთისა მარტვლ არს, და გულისხმა-ყონ ყოველთა ქრისტეს მორწმუნეთა და ურწმუნოთა, რამეთუ ჰქემმარიტ არს სიტყუად იგი უფლისაჲ, რომელ თქუა, ვითარმედ “მე თუ ვინმე მსახურებდეს, პატივ-სცეს მას მამამან ჩემმან, რომელ არს ცათა შინა”.

უკუეთუ ჳორცთა მათ განჳრწნადთა ესოდენი პატივი აწვე აჩუნა, რავდენ უფროდს უჳრწნელად აღდგომასა მას მართალთასა დიდებითა და პატივითა გჳრგჳნოსანი იხილონ შორის ანგელოზთა და ჳრცხუენოდის უგუნურად სიბორგილისა მათისათჳს. რომელთა ქრისტე უვარ-ყვეს და წმიდათა მისთა ჳგუემდეს და სდევნიდეს და მოსრვიდეს, ხოლო უფალი შეიწყნარებდა ცათა შინა!

ხოლო აწ, საყუარელნო, ჳერ არს ჩუენდაცა ამიერითგან უმეტესადლა შეწყნარებად პირველთა მათ სანატრელთა მოწამეთა, რადთა ხილულისა ამისგან ახლისა მოწამისა

პირველთადაც მათი გურწმენეს და ვთქუათ სიტყუად იგი ნეტარისა დავითისი:  
“პატიოსან არს წინაშე უფლისა სიკუდილი წმიდათა მისთაჲ”, რამეთუ მისა შუენის  
დიდებაჲ აწ და მარადის და უკუნითი უკუნისამდე. ამჴნ!

მეოთხე თავი

## ქებაჲ წმიდისა მოწამისა ჰაბომსი

აწ მოვედით, ქრისტე-მორწმუნენო, და ვდღესასწაულობდეთ ჳსენებასა ახლისა ამის  
წმიდისა მოწამისასა, რომელი ყოველსა ამას სოფელსა ჩუენსა ქართლისასა მეოხად  
ჩუენდა ქრისტემან მოგუანიჭა, და სიხარულითა მრავლითა განვახუნეთ საუნჯენი  
გულთა და გონებათა ჩუენთანი და მხიარულითა პირითა და განმარტებულითა ენითა  
ვაქებდეთ კეთილად-მოღუაწებასა მისსა და ვიტყოდით:

გიხაროდენ, სანატრელო მოწამეო, უფლისა მიერ! რამეთუ შენ, უკუანადსკნელი ესე  
მუშაკი მაცხოვრისა ჩუენისაჲ მეთერთმეტისა ჟამისაჲ მდღევრთა მათ თანა  
აღმსობილთა მიეწიფე და მათ თანა სასყიდელსა მათსა არა დააკლდი!

გიხაროდენ, მოწამეო, უფლისა მიერ! რამეთუ შენ მიემსგავსე უკუანადსკნელსა მას  
მოციქულსა პავლეს მამულთა მათ შჯულთა და მოძღურებათა განგდებითა, და  
ქრისტეს, მისა ღმრთისა, აღსარებითა მსგავსადვე მისა თავი მოგეკუეთა.

აწ ვინ-მე ღირსად გაქებდეს შენ, ჳემმარიტად საქებელსა? მნებავს ქებად შენდა, ყოვლად-  
ქებულო ქრისტეს მოწამეო, არამედ ვერ ვიკადრებ, რამეთუ უფრომს გონებისა ჩემისა  
აღმადღდა ქებაჲ სათნოებათა შენთაჲ. და კუალად მეშინის მე დადუმებად, რამეთუ  
სანატრელითა მით ქრისტეს-მიერითა სიყუარულითა შემიყუარე მე, ვიდრე იყავდა  
სოფელსა ამას შინა ჩუენსა. აწ ნუ უკუე დაყენებითა ენისა ჩემისაჲთა ქებასა შენსა  
დაეყენოს ჩემთვსცა მოღუაწებაჲ მეოხებისა შენისაჲ ქრისტეს მიმართ! აწ შენ-მიერვე  
მოღებითა მადლისა მის ქრისტესისაჲთა, მსგავსად ძალისა ჩემისა, გაქებდე შენ,  
შუენიერებითა შემკულო უფლისა მიერ!

გიხაროდენ, გიხაროდენ, სანატრელო მოწამეო, უფლისა მიერ! რამეთუ შენ თუალით  
მხილველთა მათ და ჳელით მსახურთა წმიდათა მოციქულთა ქრისტესთა უხილავად  
სარწმუნოებითა და სიმჴნითა აღსარებითა ნეტარებაჲ მოიგე!

რამეთუ შენ მამამან ზეცათამან მხოლოდ-შობილისა მისა თვსისა მიერ გვრგვნოსან გყო  
და სულისა წმიდისა მადლითა აღგავსო!

შენ ძემან მამისა მიერ შეგიწყნარა და სულმან წმიდამან გადიდა!

შენ სულმან წმიდამან შეგიყუარა და მამისა და მისა თანა ერთობითა თვსითა პატივ-გცა  
და ღუაწლისა მძლეად გამოგაჩინა!

შენ ზედა განუკრდა ანგელოზთა წესსა, რამეთუ ვითარცა უჯორცომან დაითმინე სიკუდილი ქრისტესთვის!

შენ ზედა მამათ-მთავარნი იხარებენ, რამეთუ ნეტარმან აბრაჰამ თვსთა ნაშობთაგანი შეგიწყნარა წიაღთა თვსთა ქრისტესთვის, რომელ-იგი კარავსა თვსსა შეიწყნარა და მისგან მრავალთა ნათესავთა გამოჩნდა მამად.

შენ ქრისტეს მოწამეთა მათ ნაყოფ ექმენ და მოციქულთა მოწაფე!

შენ მოწამეთა მათ შორის ზეცისა მეუფისა მას მატთანსა სახელით დაიწერე და მარტულთა თან გვრგვნოსან იქმენ!

შენ აღმსარებელთა მათ თანა განეწესე და მართალთა თანა დიდებული ხარ!

შენთვის ფრიად დამიკვრდების ჩუენ, წმიდაო მოწამეო, რამეთუ ჟამსა ამას ოდენ მეფობისა ისმაიტელთა დიდებისასა შენ ნეფსით სიმდაბლზე ქრისტესთვის აღირჩიე და მახვლითა პერობილი იგი შჯული განაგდე და ჭეშმარიტი იგი აღიარე და ჯუარ-ცუმულსა მას თავყანის-ეც უფლად და ღმრთად!

ვინად ანუ ვისგან ისწავე ქრისტესთვის ესოდენი ცნობად? რომელმან საკვრველებამან აღგიყვანა შენ დიდებასა მას სასუფეველისასა?

შენ ჭეშმარიტად მარჯუენითსა მას ავაზაკსა ემსგავსე, რამეთუ გაქუნდა შენცა ერთი შენ თანა პერობილთაგანი, ნაშობი ქრისტეანეთად, რომელი განდრევილ იყო ქრისტესგან და მიდევნებულ სჯულსა უცხოთა, ხოლო კუალად ქრისტეს აღსარებისათვს შენ თანა განიკითხვოდა, არამედ საწყალობელსა მას კუალადცა უბრკუმად და დაეცა. რამეთუ შიშისაგან სიკუდილისა საწუთროდ ესე შეიყუარა და საუკუნოდ იგი წარწყმიდა, მტერმან ბოროტმან აღიტაცა და ცხოვარი იგი ქრისტესი ნამგლევი იქმნა. რამეთუ მწყემსსა მას კეთილსა განემორა და არგანი იგი ქრისტეს ძლიერებისად განაგდო ველთაგან თვსთა, ამისთვისცა იძლია და განვარდა სამწყსოდსაგან პირმეტყუელთა მათ ცხოვართადსა. ხოლო შენ, სანატრელო მოწამეო, კუერთხითა მით, ჯუართა თვსითა, დაგიცვა ქრისტემან მსგავსად ძლიერისა მის სარწმუნოებისა შენისა მისა მიმართ.

შენ ავაზაკსა მას ესწორე სარწმუნოებითა და სამოთხესა განეწესე!

შენ კარი იგი სამოთხისად განაღე ჯუართა ქრისტესითა და მცველთა მათ ქერობინთა ცეცხლის მსგავსთა ვერ განგიკითხეს, ვითარმედ ვინ ხარ!

და რად-და-მე ვთქუა უფროდს, რამეთუ “უფალმან ივნო ჩუენთვის, უბრალომან ბრალეულთათვს” დასთხია სისხლი თვსი უბიწოდ, ხოლო შენ გარდაიჭადე თანანადები, რამეთუ შენცა დასთხიე სისხლი თვსი სიყუარულისა მისისათვს. ამისთვისცა ძლევისა გვრგვნითა შეგამკო შენ და სასუფეველსა მას მამისა მისისასა მკვდრად გამოგაჩინა!

შენ გამო, წმიდაო, მოწამეო, სიყუარული იგი ქრისტესი ჩუენდამი და სარწმუნოებად ჩუეუნი მისა მიმართ კუალად განახლდა, რამეთუ აღვერიენით ერსა, უცხოსა შჯულითა, განდგომილსა ქრისტესგან, ნათესავსა საწუთრომსა ამის მოყუარესა, თესლსა ურწმუნოსა მისა ღმრთისასა, სარწმუნოებისა ჩუენისა მაგინებელთა, რომელთაგან ვისწავენით საქმენი მათნი და ვჰმონებდით გულისთქუმასა გულთა ჩუენტასა მიბაძვებითა მათითა, ვითარცა უსასონი ქრისტესგან და დამვიწყებელნი საუკუნომსა ცხოვრებისანი. ხოლო აწ შენ მიერ მოგუეახლა ქრისტე და ჩუენ გულისხმა ვყავთ კუალად შიში მისი და სიყუარული მისი, და მადლსა მისსა ღირს ვიქმენით და სიყუარულსა მისსა და წყალობასა დღითი-დღედ მრავალთა სასწაულთა და კურნებათა ჩუენ შორის გამოჩინებითა!

შენ უგუენურთა მათ შემწირველთა შენთა მახვლითა და ცეცხლითა უმეტეს ალისა განგაბრწყინვეს; ვერ გულისხმა-ყვეს უგულისხმობთა მათ სიტყუად იგი უფლისაჲ, ვითარმედ “იყოს ყოველმან, რომელმან მოგწყვდნეს თქუენ, ჰგონებდეს, ვითარმედ მსხუერპლი შეწირა ღმრთისა”. მ უგუენურებად და უმეტეს უგუენურებად იგი მათი, რამეთუ რომელ იგი პირველ არავინ გიცოდა, ვითარმედ ვინ ხარ, ანუ რომლისა ნათესავისაგან, ანუ რომლისა ერისაგან, ანუ რომლითა შჯულითა სცხომდებოდე, აწ ესერა უნებლებით წარმოგაჩინეს საცნაურად ქრისტეს აღმსარებელად, და მარტულად ყოველთა შეგისწავლეს.

შენ ყოველთა დაბადებულთა პატივ-გცეს, რამეთუ ცად მოწამე არს სიმართლესა შენსა უცხოჲსა ცეცხლისა გარდამოვლინებითა ადგილსა მას ზედა, რომელსა, ვითარცა კრავი უმანკოდ, შეიწირე, შემწუარი ცეცხლითა.

შენ ქუეყანამან მსხუერპლად წმიდად და სათნოდ მიგიპყრა ღმერთსა, მას ზედა დაწუვითა პატიოსნისა გუამისა შენისაჲთა, რამეთუ გექმნა შენ, ვითარცა საკურთხეველ იგი აბელისი, ენუქისი, აბრაჰამისი და ელიაჲსი, რომელნი-იგი მრგულიად დასაწუველთა მათ ტარიგთა შესწირვიდეს ღმრთისა, და კუალად ადგილი იგი სამსხუერპლომსა შენისაჲ ემსგავსა ბერვასა მას აჰრონისსა და ზაქარიაჲსსა, მდღელთასა, რამეთუ ნაკურცხალსა მას ზედა ცეცხლისასა აღვიდოდა, ვითარცა სულნელებად საკუმეველთაჲ, სულნელებად ჯორცთა მაგათ შენთაჲ წინაშე უფლისა, წმიდასა მას წმიდათასა, ზეცისა საკურთხეველსა!

შენ მდინარეთა მაგათ შეგიწყნარეს, ვითარცა ქრისტეს მარტული, ხოლო ქრისტემან ღმერთმან სიღრმეთა მათ სიბნელე ზეცისა ნათლითა განაბრწყინავა.

შენ ნათესავთა შენთა უცხო და განგდებულ გყვეს, ხოლო ქრისტემან ისმაიტელთა შორის, ვითარცა ვარდი ეკალთაგან, გამოგარჩია და მიგიპყრა თვსსა მას ეკლესიასა!

შენ, ველური ეგე ზეთის ხილი, მოგილო ქრისტემან და მტილსა მას შინა თვსსა სამკვდრებელსა ნაყოფად კურთხევისად დაგნერგა, და ნაყოფითა მით სარწმუნოებისა შენისაჲთა ახარა ეკლესიასა, რომელსა შინა იშუებენ ქრისტეს-მორწმუნენი და ჰნატრიან

შენსა მას დიდებულებასა, შენსა მას მოღვაწეებასა, შენსა მას სიმკნესა, შენსა მას მარტვლობასა, შენსა მას გვრგვინოსნებასა!

ვითარ-მე გაქებდე შენ, ღუაწლის მძლეო წმიდაო მოწამეო? რამეთუ შენ, ახალი ეგე ქრისტეს მორწმუნე, მოძღუარ ჩუენდა იქმენ, სწავლულნი უფროდს გულისხმიერ ჰყვენ, შერყულნი უფროდს განამტკიცენ, განმტკიცებულნი განამხიარულენ, წარმართნი წადიერ ჰყვენ ქრისტეს მონებად, საკსენებლი მარტვლობისა შენისაჲ ჩუენ დაგვტევი, სახელისა შენისა მოთხოვრებად ყოველთა ქადაგ ვიქმნენით!

აწ ვევედრებით ყოველნი შენსა ქრისტეს-მოყუარებასა, მეოხმცა ხარ წინაშე მაცხოვრისა ყოველთაჲსა ჩუენ ყოველთათჳს, რომელნი შენ მიერ ითხოვენ წყალობასა ქრისტეს ღმრთისაგან, რომლისა არს დიდებაჲ და პატივი და ძლიერებაჲ თანა მამით და ყოვლად-წმიდით სულითურთ აწ და მარადის და უკუნითი უკუნისამდე. ამჴნ!